

Prapelancaran GraCe 2016 Bukti Kesungguhan UiTM (Terengganu)

Dungun, 15 Ogos 2016 – UiTM (Terengganu) menganjurkan majlis prapelancaran bagi program Persidangan Siswazah (GraCe) 2016 yang akan diadakan pada 5 hingga 6 November 2016 di Taman Tamadun Islam, Kuala Terengganu.

Majlis yang diadakan di Laman Korporat, Bangunan Integriti, UiTM (Terengganu) ini dihadiri oleh editor *Dewan Kosmik* sebagai rakan strategik bagi penganjurannya pada tahun ini. Selain *Dewan Kosmik*, UiTM (Terengganu) turut bekerjasama dengan Kementerian Pendidikan Tinggi, Kementerian Belia dan Sukan dan Tenaga Nasional Berhad.

Dengan tema "Discoveries by Young Scholars!", GraCe 2016 menjadi tempat perhimpunan pelajar dari seluruh dunia untuk bertemu, berhubung dan

berbincang, seterusnya mengangkat tahap penyelidikan ke peringkat yang lebih tinggi. Dengan sokongan daripada kumpulan pakar akademik, persidangan ini menawarkan peluang yang besar untuk peserta bagi mendapatkan hasil pemikiran, berkongsi keprihatinan dan menerima kritikan membina dalam sekitaran yang kondusif.

Selain itu, GraCe 2016 menyediakan peluang terbaik kepada pelajar untuk mendapatkan pendedahan dalam persidangan dan persembahan poster penyelidikan. Pendedahan ini akan

meningkatkan kemahiran insaniah dan membanyakkan rangkaian hubungan. Oleh sebab itu, semua pelajar daripada bidang sains sosial dan sains teknologi dialu-alukan untuk menyertai GraCe 2016.

Ucaptama yang bertajuk "Simple thoughts and ideas for now can be highly appreciated in the future: Young Scholar! what can we do?" bakal disampaikan oleh seorang tokoh terkemuka Malaysia.

Dalam sesi plenari pula, ada dua pembentang yang akan menyampaikan pembentangan, iaitu Profesor Dr. Wan Mansor Wan Mahmood, Profesor (Kewangan) UiTM Terengganu dan Dr. Mundzir Abdullah, Tokoh Maulidur Rasul 2015 dan Pemegang Ijazah Doktor Falsafah Paling Muda di Malaysia sambil dipengerusikan oleh Profesor Madya Dr. Baharom Ab. Rahman. Program ini diteruskan dengan lima sesi selari dan persembahan poster penyelidikan.

GraCe 2016 dijangka dapat mengumpulkan sebanyak 150 peserta untuk persembahan kertas penyelidikan penuh dan 20 peserta untuk persembahan poster penyelidikan.

Kertas penyelidikan yang terpilih, akan diumumkan dan diterbitkan dalam *The Social Sciences* – Jurnal Scopus Q3 bagi sains sosial dan *ARPJ Journal of Engineering and Applied Sciences (ARPJ JEAS)* – Jurnal Scopus Q3 bagi sains dan teknologi. Kertas penyelidikan yang tidak terpilih akan dihantar ke *Journal of Applied Environmental and Biological Sciences (JAEBS)* – ISI WOK.

Education - IPTA / IPTS

pg: 17



Control No: 000 274971

File No: MA/education/2016/EO42016A06.pdf